

摘藻堂四庫全書薈要

集部

欽定四庫全書薈要卷一萬八千五百七十一

集部

御選明詩卷七十一

七言律詩四

揭軌

春陰

梨花門巷泥活活楊柳窗戶綠陰陰  
軒車不來又幾日風雨相思勞寸心  
舒州紅稻宜晚飯采石碧酒堪幽尋  
故人何可久不見我有新詩思共吟

晚歸

花外金波映水天歸驄蹀躞暮江邊鳳皇臺閣初含雨  
燕子人家又禁煙詩寫桃花歌扇底酒攜楊柳舞樓前  
請看秋雨臙脂井好醉春風玳瑁筵

秋思

綺窗紅燭淡秋光鳳帳流蘇減夕香機杼隔花閒翠戶  
輓轡臨水凍銀牀秋風紫塞書千里夜月清砧淚數行  
望斷金鞍秋又杪芙蓉零落玉池霜

宴南市樓二首

帝城歌舞樂繁華四海清平正一家  
龍虎關河環錦繡鳳凰樓閣麗煙花  
金錢錫宴恩榮異玉殿傳宣禮數加  
冠蓋登臨皆善賦歌詞只許仲宣誇

詔出金錢送酒壚綺樓勝會集文儒  
江頭魚藻新開宴苑外鶯花又賜酺  
趙女酒翻歌扇濕燕姬香襲舞裙紆  
繡筵莫道知音少司馬能琴絕代無

周啟

中都龍興寺伏觀御書第一山三大字碑有作  
九重宸翰麗天文三字穹碑壓厚坤山色不知今古異  
地靈惟戴帝王尊蛟龍絕巘盤亭構獅象諸天拱寺門  
千載鍾王誇健筆敢同羲畫與時論

蜀王殿下守中都奉餞志喜

未從西蜀按封疆先謁中都祀太皇龍虎風雲藏陣畧  
鳳凰星日著文章萬年淮土園陵重千里岷山道路長  
恩寵自天隨福履早聞憑軾詠濠梁

劉秩

秣陵懷古

別家楊柳正依依回首西風木葉飛鄉夢已隨雲北散  
客心先逐鴈南歸三秋邊境仍烽火九月征衫尚綌衣  
莫向窮途歎牢落料應青眼故人稀

朱模

送張總管赴番陽

近聞使節向番陽已報前軍到武昌好過黃州問蘇老

曾遊赤壁弔周郎一時人物皆陳跡三國英雄此戰場  
舉酒煩君酌江月匡廬秋色晚蒼蒼

唐仲實

程仲庸遊京口留金山寺

我正無心嬾似雲那堪奔走污緇塵飛花岸柳偏留客  
吹浪江豚忽拜人玉帶暫拋煩轉語楞伽曾寫悟前身  
異時好說金山寺小小漁舟喚渡頻

任原

送舒從事還南海

老逢離別倍傷情一騎臨秋復遠行  
客路驚心孤鴈影家林入夢斷猿聲  
珠崖日落天低海銅柱雲寒雨過城  
翻憶舊遊多感慨獨嗟書劍誤儒生

谷宏

行經華陰

雲開太華倚三峯積翠遙連渭水東  
遠塞鴈聲寒雨外離宮草色暮煙中  
秦關日落行人少漢時天陰古戍空



寂寂武皇巡幸處祠前木葉起秋風

登岳陽望洞庭

對酒平臨百尺闌洞庭南望楚天寬  
中流雨散君山出故國風高夢澤寒  
帆挂夕陽鴈際沒波涵遙月鏡中看  
登臨最易輕軒冕惆悵滄浪羨釣竿

王鏞

水竹居為朱克恭賦

碧水澄潭自作洲琅玕多種屋東頭  
旋燒新筍安茶竈

時斫嘉魚踞釣舟客至罷邀明月飲人間何必五湖遊  
吾家舊在梅溪上遙憶清風度早秋

包聖

登岳陽樓

春城攜伴共躋攀極目風煙慘淡間桂嶺北來還有瘴  
洞庭南上却無山江通巴子三千里雲鎖湘娥十二鬟  
為語遊人莫吹笛潛龍淵在月波彎

和韻荅陳漢章

風塵滿眼宦情微卜築從今與世違  
棋局未收山月上  
爐煙將斷洞雲歸  
謀生底用千金產  
送老惟甘一布衣  
肯共野人忘爾汝  
來朝騎馬到荆扉

王惟允

過揚州

華屋朱簾十萬家  
春風吹盡舊繁華  
留連野色唯殘蝶  
應答江聲有亂蛙  
明月樓前沽美酒  
蕃釐觀裏看瓊花  
我來謾憶曾遊處  
立盡斜陽一歎嗟

甘瑾

遊龍虎山

流水灣迴路百盤  
化人樓閣倚清寒  
枕中鴻寶長生錄  
屋外玄都太古壇  
金鼎有丹先試犬  
玉簫無曲不吹鸞  
麻姑未老秋霜鬢  
幾見扶桑海水乾

社日

楓樹林邊雨脚斜  
兒童祈賽競諠譁  
雞豚上戊家家酒  
鶯燕東風處處花  
野徑歸時扶醉客  
叢祠祭罷集神鴉

瀕湖生意傷多潦預祝汗邪載滿車

高子勉病起移家

四郊無警被桑麻洙水源頭舊是家  
愛客屢懸高士榻開荒寧種故侯瓜  
酒邊病減知弓影燈下歌長拂劒花  
閒却陣圖雲鳥勢看山隨處岸烏紗

寄張可立

旅泊他鄉有幾年南塘水竹卜居偏  
得錢日閉君平肆載酒秋尋賀監船  
葭葦近通門底港荆榛遙帶郭西田

東歸亦有萼鱸興  
矯首滄浪若箇邊

春日登高有懷

風景蒼茫大野陰  
懷鄉倦客此登臨  
十年魚鴈將家遠  
三月鶯花減淚深  
天落湖山雲水散  
地連閩粵瘴煙侵  
躬耕却憶窮廬叟  
梁父栖栖日暮吟

清明

輕寒天氣半晴時  
隴麥畦桑綠漸肥  
誰與試煙傳蠟燭  
且謀沽酒典春衣  
東風門巷楊花落  
流水池塘燕子飛

吟罷不堪搔短髮杜鵑祇解促春歸

寄張雪坡

南塘水竹舊郊扉老去青山目力微吟瘦定知衣帶緩  
別來兼恨簡書稀畦桑葉短蠶初出隴麥苗深雉正飛  
香老松花春又過莫令情分久相違

贈地理者

囊中一卷郭氏書眼底山川興不孤兩袂風塵誰故舊  
一筇煙雨自江湖銅駝陌上人長笑金粟堆前鳥自呼

見說五陵佳麗氣天荒地老不能蕪

雨中書懷

南窗坐掩讀殘書落盡梨花雨點疎  
短夢或因中酒後輕寒已過禁煙餘  
芹香墮几初歸燕泉脉通池欲上魚  
搔首故人懷別久欲憑尺素問何如

長沙夾夜泊

漠漠蒹葭斷渚連烽亭亭鼓報更傳迴  
風吹樹纜初繫斜月照蓬人未眠鴈足  
寄書懷歲晏蟹螯新酒及霜前



滄茫遠浦寒燈外尚有漁郎夜扣舷

陳輔

出郊

雨歇山晴鶯亂飛  
水清沙暖日暉暉  
竹籬緣路酒帘出  
野樹漲陰梅子肥  
千里鄉心隨夢遠  
一春樂事與人違  
年華過眼慚無補  
零落青衫尚未歸

殷奎

立春日與瞿允同縣宰飲酒

故人昨日故鄉來春日今朝春酒開  
鮭菜新盤還飮餌鶯花舊夢重徘徊  
情知老至拋書冊怕見衰顏掩鏡臺  
予起為吾歌骭骸出門一笑謾憐才

顧仲瑛淡香亭

淡香亭外花無數盡說清明似洛中  
西郭愛看千樹雪東闌生怕五更風  
何郎酒怯春羅薄荀令香熏霧縠空  
吹遍內園天上曲坐深清夜月朦朧

袁華

無題擬李商隱四首

玉樹參差障羽幢，舊愁如水漫春江。  
葳蕤鎖合收銀鑰，窈窕樓空閉綺窗。  
顰鳳橫釵終作對，舞鸞窺鏡始成雙。  
繡屏倦倚看紅豆，滿眼相思意未降。

環珮珊珊下漢皋，樓風度鬱輪袍。  
琴心寄調傳孤鳳，華意留情屬小桃。  
金粟柱移箏上鴈，玉蓮枯舉掌中醪。  
乘鸞一去無消息，腸斷神山夢寐勞。

燕語銅樓淑景移，鏡臺香冷玉蟠螭。  
書傳王母三青鳥，

針度天孫五綵絲江浦見蓮須覓藕石枰尋子未圍棋  
獨憐鸚鵡知人意故傍銀箏索荔枝

裾曳湘羅動麴塵雀叉小佩玉麒麟紫簫偷按雲中曲  
綵筆慵傳鏡裏真蝶粉膩花金作縷鴈沙回雪翠為茵  
若蘭錦字多華麗未減風流賦洛神

盧昭

淡香亭

玉山佳處野亭分千樹梨花白似雲仙袂倚風林下得

淡香和月夜深聞生憎蛺蝶迷春色不待狡獪換夕熏  
西郭東闌已陳跡總傳芳局重鵝羣

朱應辰

楊花

三月江頭飛送春撲人隨馬斷人魂隔簾撩亂春無景  
著水廉纖雪有痕燕帶殘香飛又落魚吹小點吐還吞  
可憐天性何輕薄化作青萍不托根

張辰

寄許蘭伯

水泊山樓分自甘我留君去意何堪幾回雨雪三槎上  
強半鶯花五塢南宰木空慚歸遠夢扁舟猶憶載餘酣  
從今莫惜頻相顧燈火虛齋遲笑談

顧文煜

白鴈

萬里西風吹羽儀獨傳霜翰向南飛蘆花映月迷清影  
江水涵秋點素輝錦瑟夜調冰作柱玉關曉度雪沾衣

天涯兄弟離羣久皓首江湖猶未歸

張著

次鄭李明和袁子英紀夢韻二首

雉扇徐開動葆幢綠裙淨色翦湘江珊瑚鳴珮還深院  
鸚鵡忘言隔小窗篆試沉香雲作陣杯傳侍女玉成雙  
夜深回想蓬萊遠脉脉幽情不易降

盈盈羅襪步輕移紫繡衣裳雜鳳螭金碗香酥來玉液  
冰盤鮮鱠出銀絲晚行花底閒尋佩夜坐燈前笑賭棋

最是酒醒春思寂月華初上海棠枝

秋興

故園東望海西頭幽事長懷九月秋竹几山明渾見畫  
槽牀酒熟不知愁霜寒秔稻肥黃蟹水淨芙蓉映白鷗  
隨分耕樵聊自適無端垂老向延州

次陳敬德卜居河陽韻二首

漸老逢春可奈何清狂不似舊時多銀瓶送酒青絲絡  
翠袖穿花白紵歌故舊祇今成遠別從遊何日重相過



河陽桃李餘三月應想茅堂傍澗阿

山窗曾記酒樽同醉量豪於渴飲虹江海遺愁空惜別  
文章小技倦加工雲低鴈宕家何在花暗天台路不通  
同是漂零歸未得又驚春盡館娃宮

陶振

早秋次陳同文韻

日華初轉萬年枝鳩鵲蓬萊殿影遲十萬貔貅環紫禁  
三千鷁鷺拜丹墀河東客獻揚雄賦海外臣降陸賈詞

要識中原新氣象黃河清淺已多時

題雲林贈琛長老畫

山中喬木已無多留得殘株在澗阿詩絕豈能忘惠遠  
畫工猶自憶祇陀短簞風起秋先覺靈石苔生雨乍過  
我喜幽尋到禪寂興來同作考槃歌

陳璧

遊泗州龜山寺

龜山寺裏訪遺塵鐵佛苔封丈六身追蠡有銘稽甲子

支祈無害念庚辰渡淮獨鳥斜斜日送客飛花渺渺春  
暫倚高風一回首白雲如海正愁人

史頤

雨中感懷

白日西飛水自東乾坤浩浩恨何窮無梯可覓姮娥藥  
有術難乘御寇風啼鳩一聲春雨裏青山萬點酒杯中  
王孫去後多芳草腸斷江南鶴髮翁

朱昇

送僧歸南嶽寺

山路花香上衲衣  
雲深南嶽一僧歸  
塵生古像開寒殿  
風度閒房掩夕扉  
踏雨棕鞋苔蘚滑  
炊香野飯稻粱肥  
禪餘猶轉千聲偈  
總有遊人得見稀

史遷

簡王原翬

東郭道人才大奇  
置身散地任支離  
阿誰或訝嵇康嬾  
此老真成濟叔癡  
白日放歌杯在手  
青春作夢草生池

輞川圖是傳家譜留得當年絕妙辭

張率

會周檢校

衡茅晚計卜溪南水石幽竒得縱探詩社往還青玉案  
仙經借送紫泥函漁村過雨行秋霽龍洞開雲坐晚嵐  
種樹書成嗟已老煩君多致洞庭柑

乙巳元日

四門擊柝罷寒更淮水淮山欲曙城柏子添香延宿火

梅花吹角送春聲  
大星賓日光芒  
定殘雪兼霜物  
候明故國親朋  
俱獻歲異鄉魚  
鳥獨關情

朱逢吉

寄張世衡

文穆公家四世孫  
清朝今見幾人存  
衣冠入市爭投刺  
風雨讀書深閉門  
坐詠遠山楓葉寺  
歸從新酒杏花村  
玉灣橋下莓苔路  
應有徵車故轍痕

桂慎

登太華山寺

昆明池上古招提樓閣參差近  
碧雞爲愛白雲分半榻  
却隨明月過雙溪  
風前松子當窗落  
雨後苔衣拂石題  
如此清幽好棲泊  
爲誰又度澗橋西

陳潛夫

題安分軒圖

一自幽棲白板扉  
略無塵夢到輕肥  
摩挲老眼臨書卷  
抖擻閒身稱布衣  
風竹翠迴琴響近  
雨苔青滿屐痕稀

客來況說雲山好處處春苗長薺薇

桂衡

春暮

忍將愁眼看韶華桃李無言日月斜  
晚白菜肥蠶出火  
冬青花落燕成家  
歸田誰復如賓饁入室今唯對影嗟  
無可奈何聊且睡不勞春夢繞天涯

吳文泰

送人之巴蜀



煙波迢遞古荊州君去應為萬里遊  
倚棹遙看湘浦月聽猿初泊渚宮秋  
雲開巫峽千峯出路轉巴江一字流  
若見東風楊柳色便乘春水泛歸舟

酬陳孟敷見寄

南浦蘼蕪生綠煙憶從分袂是何年  
歸來還對山中月老去唯耕隴上田  
幾樹蟬聲涼雨後一川霞采夕陽邊  
思君東望堪乘興潮落晴江好放船

題燕穆之楚江秋曉圖

碧水連空入望深  
匡廬秋色正蕭森  
曙分巴峽猿聲斷  
月落湘潭鴈影沉  
宿霧收邊橫荻渚  
炊煙起處隔楓林  
何因得似歸來棹  
笑傲衡門自楚吟

送人從軍之永州

嗟君此別向南州  
驛路迢迢萬里秋  
愁斷猿聲非故國  
夢迴月色在孤舟  
湘潭水落魚龍遠  
衡岳雲開霧雨收  
聞說從軍還有樂  
不須懷土更登樓

丁敏

題吳江舊居

一身恒寄在煙霞  
首夏歸來翫物華  
滿徑綠陰山柘葉  
一籬香雪野薇花  
東鄰旆影招沽酒  
西塢歌聲唱采茶  
幽景慰情聊自適  
短筇微服看桑麻

簫杖

嶰谷新裁六尺形  
半含宮徵半扶行  
吹時只恐乘龍去  
策處常疑作鳳鳴  
挂壁影憐秦女瘦  
敲門音合舜韶清  
月明拄向仙壇上  
同和鈞天奏九成

萃野

春日登城有感

憑高獨立午風輕，望入平湖眼更明。  
白鳥影邊陽羨樹，青山堆外闔閭城。  
樓臺霽色千家日，楊柳春聲幾處鶯。  
滿眼故人零落盡，野花芳草不勝情。

陳玄

資福寺

聽經猿去已多時，梧竹風標入夢思。  
暗粉尚留多寶塔，

長廊空見捨田碑石池雨過添新水老柏年深換舊枝  
聞道靈源高閣上至今人誦小山詩

金慎

柿林新居

喜得移家秀水濱此邦風物舊相親為農久已知農事  
近市還能遠市塵鵝散墨池迎洗硯鷗當漁屋看垂綸  
蔬畦藥圃終吾老未必溪花解笑人

凌雲翰

重過柳洲寺

買花載酒憶當年風景依稀最可憐  
彭澤有人歸栗里海波何處變桑田  
聯拳鷺立枯荷雨寂寞鴉栖古樹煙  
幾度湧金門外望居民猶說總宜船

湘湖草堂為貢友初賦

湘湖卜宅似江郊梅柳同栽已放梢  
春雨漏時愁在屋秋風怒處憶飛茅  
蓴絲流滑羹長用荷葉分香飯屢包  
買得扁舟梭樣大呼童繫在石塘坳

清江文會詩為崔驛丞賦

清江之水如練澄盍簪此地皆良朋一錢尚懷會稽守  
二松好效藍田丞忘機鷗鳥偶到座入饌鱸魚還可罾  
蘭亭陳迹在圖畫新詩莫惜傳溪藤

林塘幽乃會稽陳惟賢軒扁又號西疇因贈詩  
賀監湖頭一曲開林塘幽處著亭臺青山在上水在下  
黃鳥自啼鷗自來棊局不移長對奕酒船纔放即銜杯  
會稽我昔曾遊地杖履何時得重陪

曾瑞卿所作山水圖

山關迢遞野橋斜，策杖幽尋豈憚賒。  
路轉峯回連佛寺，雞鳴犬吠隔人家。  
白雲作雨多如絮，紅葉驚風少似花。  
不是褐夫能貌得，空令泉石老煙霞。

夏日書懷次沈欽叔韻

黃梅子熟暑蒸潤，冬青花開雲作陰。  
昨宵北牖雨聲急，明日西湖流水深。  
論才子建得八斗，換酒太白輕千金。  
幽懷欲寫託長句，又聞綠樹新蟬吟。



送孫敬義還鄉

孫綽曾聞賦遂初陶潛亦復詠歸與田園偶爾成圖畫  
道路依然畏簡書老去還鄉非是速醉來題句未為疎  
翻思映雪寒窓下客夢時時到故廬

周君

春日雜興二首

門對江村八九家紅塵晝靜寂無譁鳳巢遙傍新移竹  
魚浪輕吹細落花春翦未開深院響野壺時過短牆賒

少年幾許須行樂莫惜芳尊賞物華

一片殘紅落紫苔笙歌無夢到樓臺山雲晝鎖石橋斷  
溪雨夜添春水來江上客扶歸馬醉柳陰人喚打魚回  
不知上苑花開否無分行看羯鼓催

鄭泚

梁家堰

梁家堰頭桑扈啼早潮帶雨草平堤煙中碧樹依江重  
天外浮雲接海齊客店上帘沽白酒商船結纜度青泥

十年猶在江湖上何處經行無鼓鼙

劉氏菴

風急落花紅滿林孤村月色夜沉沉一百五日寒食近  
七十二橋湖水深世路難行甘屏跡鄉關入望苦經心  
古今萬事知多少抱膝聊為梁父吟

曹卷

紫陽觀席上作

紫陽山麓神仙家青山遶屋生煙霞枯林風過落黃葉

寒菊雨餘開白花  
隻雞斗酒自可樂  
千駟萬鍾何足誇  
興闌攜手過橋去  
斜日稻田飛亂鴉

鄭真

寄烏繼善先生

紅心驛外望家山  
颯颯西園兩鬢斑  
繫鴈書成霜滿地  
飯牛歌罷月臨關  
誤傳海外蘇公死  
終許羌村杜老還  
客舍不知身健否  
何時訪我白雲間

用韻答夏原威述懷

雉堞煌煌壯國都移家住近月明湖  
秋風籬落花長好夜雪庭階草不枯  
煙遠山庖供晚爨雲春野碓急秋租  
浮生已付形骸外何羨商巖隱者徒

高高

立春日題壁

漂泊江淮老廣文昨宵蠶舍又逢春  
月支二石五斗米錄著諸生四十人  
鄉遠已拚歸夢數身閒不厭在官貧  
笑看朝日盤中味可有青青泮水芹

林常

風雨過鄱陽湖有感

三月雨多風滿天，湖中水高難繫船。  
大魚跳浪白如雪，好山隔岸青於煙。  
去官莫過彭澤縣，讀書擬上匡廬巔。  
人生百年苦行樂，帝鄉遙遙心自憐。

北苑造茶即事

青州州前溪水連，殘紅滿川花可憐。  
垂髻何處采茶女，落日去家呼渡船。  
綠陰青子山雨歇，游絲飛絮春風顛。

荒村遠客官舍靜新愁惱人聞杜鵑

陳德甫溪山春曉圖

郭外長溪接遠江磯頭新水白鷗雙萬山雲氣翻春雪  
一枕松聲響夜龍賓客不徵綺里季子孫終老鹿門龐  
何時我亦來同隱多種桃花映酒缸

朱弘祖

環溪亭

一曲清江抱畫闌入窗如在落星灣紅塵隔斷花香外

白鳥飛來鏡影間  
蜎斗舊藏書帙淨  
蜻蜒長立釣絲閒  
何由動我山陰興  
却棹扁舟雪夜還

蔣惠

從軍漫興

士卒連艘寂不譁  
晚牽百丈步平沙  
霜橫劒戟明秋水  
風颭旌旗絢綵霞  
最憶仲宣能去國  
猶懷張翰苦思家  
無端又值江天暮  
落日蒼煙動鼓笳

宋璚



題水簾洞

石泉飛雨亂淋漓，翠箔銀絲萬縷齊。  
雲屋潤含珠網密，月鉤涼沁玉繩低。  
鮫人夜織啼痕溼，湘女晨粧望眼迷。  
恍似水晶宮殿裏，四簷花雨亂鶯啼。

貝翱

閒居

閒居不是為逃名，野性從來少宦情。  
況有林塘供笑詠，且無冠蓋費逢迎。  
夕陽山好樓中見，春水船高樹杪行。

何處飛來如雪鳥相親相近不相驚

吳門會故人樓文淵

憶曾相識自兒童二載雲間筆硯同  
深院抄書桐葉雨曲闌聯句藕花風  
當時壯氣凌諸子今日衰顏對兩翁  
高卧田園真自樂宦遊愧我尚西東

謝林

青城虞勝伯顏丘氏小軒曰看帆為賦律詩四

首錄一首

日送飛帆若斷蓬  
閒情不與水俱東  
自居茅屋秋聲裏  
如在瀟湘夜雨中  
檣影遠離滄海月  
棹歌歸趁落潮風  
由來世道隨流轉  
不用空嗟阮籍窮

馬德華

題蜀山圖

翠壁蒼嵐峭入天  
雨餘草色帶春煙  
錦江東去龍門險  
劒閣西來鳥道懸  
丞相舊圖沙磧裏  
拾遺高興草堂前  
回看匹馬經行處  
似有猿聲到耳邊

王文啟

姚江會沈尤諸公宴陳元帥樓上

江色娟娟晝雨過  
好山青入畫樓多  
筵開玉帳元戎醉  
酒勸金杯小妓歌  
落日馬嘶煙外柳  
嫩涼鷗浴藕心波  
相逢冠蓋歡娛地  
慷慨元龍奈爾何

松雪軒為海昌尤帥賦

元戎高致愛林丘  
背郭臨江卜築幽  
青松繞屋作人立  
白雲滿山如水流  
漫有琴尊來好客  
可無簡策伴清秋

居官何似居閒好我亦誅茅碧海頭

孫蕢

羅浮

四百峯嵐列海圖飛雲絕頂敞玄都丹砂五色時光焰  
紫翠中天半有無觀裏松株皆住鶴山中竹葉盡成符  
鐵橋歸去尋清賞爛醉仙人白玉壺

懷四川

草堂煙樹入青霄漢殿荒臺秀黍苗宇宙大名今尚在

風雲霸氣未全銷  
寒星夜落支機石  
錦水春明駟馬橋  
花柳舊遊今幾載  
西風蓬鬢影蕭蕭

王佐

午日呈鄭久誠叅政

百頃芙蓉罨畫船  
賀家湖上水平天  
金盤送果沉冰碗  
羅扇題詩散舞筵  
往事氛埃成遠夢  
佳辰風雨憶華年  
澗蒲九節根如玉  
服食于今笑學仙

黃哲

舟泊龍灣寄孫仲衍

吳檣楚柁十年間，又度秦淮虎豹關。  
眼底故人成寂寞，夢中塵業負高閒。  
九州風雨東南會，七澤波濤日夜還。  
江上思君雲路杳，掀蓬愁對蔣陵山。

林鴻

春日遊東苑應制

長樂鐘鳴玉殿開，千官步輦出蓬萊。  
已教旭日催龍馭，更借春流泛羽杯。  
堤柳欲眠鶯喚起，宮花乍落鳥銜來。

宸遊好奏簫韶曲京國於今有鳳臺

春日陪車駕幸蔣山應制

鍾山月曉樹蒼蒼鳳輦乘春到上方  
馴鳥不隨天仗散曇花故落御衣香  
珠林霽雪明山殿玉澗飛泉近苑牆  
自媿才非枚乘匹也陪巡幸沐恩光

雪夜張尚書籌招飲以事不赴

南宮瀑直雪晴時凍雀無聲隱竹埤  
賞酒暫同寒夜飲盃簪深負故人期  
雲垂絳闕知天近日清霜簾覺曙遲



除却安禪與招隱此身此外欲何為

呈浦舍人

無諸臺下乍秋風客舍逢君興不窮性僻共耽詩句險  
愁多却仗酒杯空平蕪一騎經吳苑積雨孤舟夢晉宮  
明日又從江上別曲闌愁倚送飛鴻

九日登絳月蘭若憶鄭二宣

微霜初下越王城衰病逢秋也自輕九日登臨多縱醉  
百年感慨獨鍾情斷蟬野寺黃花晚遠樹江天白鴈晴

却憶浮丘炎海上懶題詩句寄同聲

過東林雙磎有懷舊遊

曾于此地盍朋簪歲晏重來百感深門掩薄寒初暝雪  
樹含輕靄欲栖禽滄波涉海驚魂夢白髮看山倦嘯吟  
聞說遠公能館我便投章甫卧東林

冬夜與高五秀才館林八員外宅

遠別悠悠歎二難多君留飲故情懽生涯祇合尊前醉  
功業無勞鏡裏看落葉走階風動晚古梅臨水月侵寒

何因得似龍門叟野艇終身一釣竿

與陳八叅軍夜飲話舊

鄉園別後隔烽煙此夕論交意惘然鴈引歸心離海國  
杯銜好月醉霜天謀生自媿青雲後話舊多驚白髮前  
明月豫愁分手處憑君慷慨看龍泉

寄周一秀才玄兼呈陳八處士炫

薛老峯前夜詠詩若為離別思淒其忝于詞客推前輩  
久約林僧恐後期澤國未霜楓落早山城上月鳥歸遲

自慚淺薄非徐稭賴有陳蕃是故知

海口道上有述懷鄭二宣

露下菰蒲有鴈聲曉驂初發宿寒輕  
新知乍別孤吟倦舊國重來百感生  
黃葉閉門逢野寺白波侵郭見江城  
家林暫別堪惆悵翻憶浮丘海上行

將歸治城留別陳八炫林六敏

南宮歸後歲蹉跎此日逢君奈別何  
野館解鞍行客飯寒山對酒故人歌  
蒹葭水國孤鴻度橘柚霜林匹馬過

金  
卷七十一  
為報已無軒冕夢清冷臺下卧煙蘿

憶龍門高逸人

浮亭露飲玉尊空千里心期此日同海路想經春草綠  
越吟愁對夜燈紅他山花發鶯啼後別墅春歸積雨中  
聖代祇今無隱逸不應多病卧孤蓬

畢公房

躋閣扳巖入化城薜蘿高卧寄閒情孤窗上月分燈影  
亂葉隨風雜磬聲麋鹿自知諧野性簪珪何用絆虛名

真僧出世心無事戒得冰壺徹底清

出江蘭若送浦舍人歸晉陽分得衣字

離亭征騎曉駢駢正值關河朔鴈飛白髮相看閩海別  
青山遙送晉陵歸江城雨外蓮峯出野寺霜前柿葉稀  
自媿忘情非上知臨岐唯有一沾衣

歸冶城辱羣公追餞至江心亭

梅風初熟布帆歸相送勞君到翠微遠樹啼鶯留客醉  
高林深竹見僧稀江心絕島晴浮出雨外孤雲濕倦飛

浦淑白鷗如有待想應知我拂朝衣

秋江離思圖

粵城衰柳拂金堤雨裏秋襟惜解攜客散江亭聞斷鴈  
酒醒沙館候鳴雞楓橋夜冷吳謳起笠澤天寒楚望迷  
前路雲山從此別一封愁札為君題

秋夜浦舍人見宿園亭分得天字

南宮飲散動經年此會羈魂各黯然霄漢故人誰更在  
江潭逐客自堪憐疎燈細雨開秋宴落葉驚風攪夜眠

歸去晉陵成遠別好憑陽鴈望南天

夕陽

抹野銜山影欲收光浮鴉背去悠悠高城半落催鳴角  
遠浦初沉促繫舟幾處閨中開繡戶何人江上倚朱樓  
淒涼獨有咸陽陌芳草相連萬古愁

晚日杉關

苔荒古道斂微曛馬上笳聲不可聞地自亂離民舍少  
山當閩楚客程分長林積雨寒為雪深樹孤峯濕作雲



媿我舊遊見關吏也將書劒學從軍

寄林一和得深字

雨館張燈坐夜深故人相對醉成吟  
二毛易老慚看鏡  
四美難并媿盍簪  
澤國曉霜歸候鴈  
縣城春樹變鳴禽  
賈生尚有長沙謫  
此日毋勞歎陸沉

憶浮丘生往交州

旬日陰霖結不開  
窮居幽草亂侵堦  
也知白髮緣愁長  
無那青山與愿乖  
行阻看花攜濁酒  
卧聞啼鳥閉虛齋

比來況與浮丘別一望南山一愴懷

出京同黃少府宿采石

南宮拜疏許歸休蘆荻滄江晚繫舟  
貰酒暫同牛渚詠曳裾無復鳳臺遊  
海門白湧潮頭急煙島紅拖雨脚收  
不用臨流濯纓袂此心從此不驚鷗

新秋浮亭夜集分韻得催字

海國新涼一鴈來衣冠高會壯懷開  
浮亭夜月尊前滿古樹秋聲笛裏哀  
白髮朋遊嗟落魄青山舊業怨低摧

燈殘酒醒還成別刻漏應愁曉箭催

寄逸人高漫士

獨倚城南百尺闌粵鄉愁思結漫漫平臺樹色催殘照  
近郭砧聲報早寒雲物正當搖落後關河終念別離難  
龍門別墅今宵月誰與相同把酒看

與黃一秀才輩雨夜浮亭小集憶鄭二

香炷燈殘意萬重與君共憶遠遊踪尺書不到經春鴈  
尊酒相逢話夜鐘風動櫟枝翻暗鵲雨深沙井響鳴蛩

自慚淺薄誰招隱尚掩丘樊學卧龍

浦源

送賈文學入京

春城送別已斜陽花發官亭酒正香  
遠騎青山江上路  
新鶯細柳禁中牆  
疎星北闕趨朝早  
澹月南宮聽漏長  
誰謂賈生年最少  
獨能陳策輔君王

寄楊先歸潁上

荒城此日共淒然我欲南征子北遷  
秋雨黃蘆思潁水

夕陽紅稻憶吳田  
蕭條客舍蟲聲裏  
迢遞鄉書鴈影邊  
安得重逢一攜手  
別離同話酒尊前

贈別謝秀才

蘭陵陌上喜逢君  
華館清談酒未醺  
蟲益旅愁秋已半  
燭歌吟影夜初分  
虛窗葉響風驚雨  
遠浦潮來水接雲  
良會不知能幾度  
明朝何事又離羣

送包鶴州東歸

西風江上賦歸休  
值雨那堪夜泊舟  
官路暝煙迷驛舍

郡城寒火出更樓到家正及湖田熟在客先驚館樹秋  
遠憶情人相別處短亭孤棹兩悠悠

送荆南師戶侯移鎮公安

悠悠旌旆碧雲端遠去孤城入亂山淮月上樓人奏角  
海天低樹鴈臨關幾家白髮遺民在千里青絲獵騎還  
舊鎮荆南多勝槩別來唯見畫圖間

送人還鄉

都門楊柳拂離筵歸路青山水國連三月春陰垂細雨

幾家寒食起新煙聽鶯谷口停行蓋立馬江頭問渡船  
此去故園應酒熟杏花開遍草堂前

阻風清河縣

阻風淮岸憶家山骨肉相親夢寐間冀北一官今獨往  
江南千里幾時還孤村人語秋臨水小縣雞鳴夜掩關  
明月異鄉誰不見嗟余偏對別離顏

送王二歸山中

闔閭城外斂斜暉水國蒼茫夕鳥微遠火山中人未宿

孤舟江上客初歸  
高林菓熟經新雨  
疎柳春深映舊扉  
遙想到家無一事  
閒看兒女笑牽衣

林七員外園亭夜飲得河字

都亭分袂惜蹉跎  
此夕相逢奈若何  
細雨疎燈聞落葉  
斷雲高樹見明河  
客踪迢遞天邊鴈  
歸夢微茫海上波  
鞍馬朝來又成別  
且傾尊酒一狂歌

和馬秀才先歸

長安甲第似雲稠  
冠蓋相望孰解愁  
宮漏深沉春樹裏



紫垣環繞碧山頭微煙草色迷征路淡月梨花隱驛樓  
聞道馬卿歸卧病懶攻詞賦客諸侯

黃玄

北嶺陪殷大夜飲感別

故國秋風見仲宣悲歡都集夜燈前二毛對酒仍堪醉  
萬里還家祇自憐樹拂斷猿疑峽路月臨征鴈夢湘川  
謾將草木同衰朽未必陽春雨露偏

送金秀才之溫陵

官亭花發酒初香  
白馬翩翩大道旁  
醉客盡隨歌舞散  
寒川空對別離長  
紫雲洞裏逢秋月  
赤鯉潭邊度早霜  
休說故山多少恨  
軍中吹角斷人腸

周玄

答林子山見寄山中

百年心事共悲歡  
浮世風波夢裏看  
洛下青山相憶久  
郢中白雪獨酬難  
將春野路孤鶯早  
乍雨江城半夜寒  
自媿五陵空學劍  
侯門誰復識馮驩

寄齋中諸公

滿院飛花積雨晴春深卧病更傷情舊遊白社思陶令  
歸夢青山憶馬卿水國煙花孤鳥沒官城槐葉一蟬鳴  
南州勝事多乘興羸馬吟鞭倦獨行

送曾譯史歸山中

隣霄臺下罷登臨一曲離歌淚滿襟芳草懷人頻積夢  
流年遠別更驚心春城鴈去餘寒在野戍花飛暮雨深  
今日遠尋陶令尹青山卧病謝朝簪

驃騎席上餞別典監鮑公歸長沙

高館涼風送別過，膏車秣馬漫蹉跎。  
玉壺暫醉將軍酒，寶劍新彈俠客歌。  
楚水夕陽行處遠，官橋春樹夢中多。  
王門到日能相憶，千里愁心竟若何。

齋居呈陳二高三兼示故人黃玄林敏及從弟  
槐葉陰陰楊柳垂，高齋獨坐日斜時。  
地經積雨多秋竹，鳥惜殘花戀故枝。  
卧病山城非中酒，舊遊洛社總能詩。  
相從每過揚雄宅，一曲陽春慰所思。

秋詠

南山閉戶絕風塵舊業依依少  
四鄰秋草望中曾獨往  
野鷗閒裏最相親  
荆門西望迷歸客  
湘水東流怨逐臣  
榮辱升沉只如此  
更將心事問何人

寄王校文

壯遊江海總離居  
豈料同君歲月疎  
湘水每勞懷舊夢  
筠陽曾枉薦賢書  
霜空落葉清砧候  
天入平蕪白鴈初  
自古長沙文化地  
聖朝逢掖近何如

賦秋江離思

女螺江上送征橈  
祖帳新涼酒易消  
澤國鴈來芳草歇  
海天人去碧波遙  
寒山古道迷楓葉  
落日愁心斷柳條  
聖代只今逢掖貴  
行看紫鳳上丹霄

趙迪

題螺川林公墓小景


茅屋松扉水畔村  
居人殊勝武陵源  
草深行徑迷歸路  
花落春潮自到門  
石上鳴琴期宿客  
林間微月動清猿

不知何處謝端宅淒絕空江螺女魂

登餘干城

荒原落日過重城萬里蒼茫感客情鄉思雨中和鴈斷  
江上見人行楓林西入吳江遠驛路東分楚界平  
望天涯流落久暮雲啼鳥自縱橫

御選明詩卷七十一



總校官庶吉士臣侍朝

校對官編修臣莫瞻蒙

謄錄監生臣周翥華



欽定四庫全書薈要

集部

御選明詩卷七十二

詳校官原任主事臣李斯咏

欽定四庫全書薈要卷一萬八千五百七十二

集部

御選明詩卷七十二

七言律詩五

唐泰

江上書懷寄周玄林敏

昔年曾共醉蘭舟  
明月閒情憶舊遊  
獨客荒村空向暮  
異鄉多病厭逢秋  
殘煙古戍聞寒笛  
落日楓林見驛樓  
為報別來憔悴甚  
漫因尊酒一銷憂



晚次雪峰寺

微霜落葉度關河古寺清新掩薜蘿  
輕策獨隨飛鳥去好山偏向夕陽過  
三花祇苑逢僧少獨樹高臺積雨多  
暫盍朋簪耽勝果下方塵土易蹉跎

王彝

東歸有感

路斷江淮已足憂繁華猶自說蘇州  
萬人金甲城頭騎十丈朱旗郡裏樓  
麋鹿昔遊何處草鴈鴻不似去年秋

忍將一掬東歸淚付與婁江入海流

徐尊生

遊鍾山過寶珠峯頂西軒贈浙僧慈隱

寶珠峯頂危亭角解后高僧失垢氛便啟軒窗臨絕壁  
還留賓客坐層雲簷端優鉢千香樹肘後楞伽幾卷文  
謾說空門無繫著也須攜手惜輕分

婺源汪氏樵隱

芙蓉高嶺含清暉宣平之居近翠微斧斤丁丁響林薄

雲霧瀟瀟沾人衣石碁盤邊莫閒坐樵風溼裏當早歸  
歸來絕不到城市自是世人相識稀

七月六日生日有感

客中生日近七夕老子行年當五旬夢寐不忘林壑趣  
形模難作市朝身已甘素髮欺凌我祇怕淄塵染污人  
歸去秫田秋正熟新醪爛醉甕頭春

稷下

春官承制促成書東觀遺編任卷舒草草便垂千載後

遲遲難俟百年餘淹中舊學文空在稷下諸生術本疎  
浪說徐生善頌止懷鉛竊食愧何如

新年

江上年華與浪奔天涯心緒向誰論持竿本住桐廬岸  
被褐偶來金馬門足躡風雲非老事鬢垂霜雪是愁痕  
韭苗薺葉添新綠昨夜東風入故園

送博士錢子予還鄉

乞得成均老病身懸車便向鏡湖濱都人共羨楊司業

鄉友爭迎賀季真落絮繽紛攬別恨歸帆縹緲傍殘春  
欲知後夜相思夢鳳闕西頭月色新

梁寅

次韻酬黎以德

銀河斜界樹參天為憶幽人思渺然亥市塵囂迂竹徑  
午橋煙雨榜溪船明燈散帙棲雅後倚杖看山去鳥邊  
但得文章扳屈宋何須重賦遠遊篇

山中秋夜

夜對千峯秋氣清  
蕭條巖壑一間身  
松林虎出時窺犬  
茅屋螢飛偏近人  
傍月把書憐稚子  
臨風吹笛羨南鄰  
栖烏應怯梧桐冷  
不斷悲啼欲嚮晨

都門將歸宿石城門外和李仲淵知縣晚過上林之作

韋曲風光尺五天  
驕驄嘶過酒樓前  
龍輿陌路疎疎雨  
鳳闕觚稜淡淡煙  
上相彩旂歸柳外  
王孫金彈落花邊  
臨風有客題佳句  
不羨春風歌舞筵



贈西山僧

高僧自喜巖下住長見白雲飛復迴半山風吹松子落  
千歲石作蓮花開鳥下林堂待分食龍游溪水遇浮杯  
吳山楚山聊暫住還把楞伽歸去來

天寧寺和曾得之兼呈彭聲之及雲印

經年不到天寧寺却喜春濃叩竹扃二水共明洲外碧  
千峯如削雨餘青謾勞山茗時時煮自笑齋鐘日日聽  
垂白飽聞高世論巖栖空愧老窮經

韓奕

吳中春感次韻

桃李於人強自開  
江城寒食客歸來  
宮蛙鳴處空存沼  
野鹿遊時尚有臺  
春事夢中三月破  
繁華去後幾時迴  
流傳庾信江南賦  
不信當時事可哀

湖州道中

百里溪流見底清  
苔花蘋葉雨新晴  
南潯賈客舟中市  
西塞人家水上耕  
岸轉青山紅樹近  
湖搖碧浪白鷗明

棹歌誰唱彎彎月彷彿吳儂子夜聲

春望次韻

春城柳色幾家連  
厨舍多時似禁煙  
處處綠蕪生夜雨  
村村白水落平田  
花稀野圃東風外  
人遠江天去雁邊  
盡日百花洲上路  
往來惟有一漁船

山院

山院頻來即是家  
鄰房幾處共煙霞  
石池水碧連朝雨  
金粟秋開滿樹花  
入社陶公寧止酒  
品泉陸子解煎茶

扁舟百里行非遠黃髮應堪老歲華

竹爐

綠玉裁成偃月形偏宜煮雪向巖扃  
虛心未許如灰死古色爭看似汗青  
偶免樵柯供土銼尚疑清籟和陶瓶  
達人曾擬同天地上有秋蟲為篆銘

秋日

百事年來盡懶為閉門高卧動經時  
秋來深悟芭蕉喻歲暮聊吟蟋蟀詩  
巷陌草深人住少湖田水沒鴈來遲

人生適意無貧賤尊酒鱸魚且自持

寄友

杏花落後曉風顛  
隱几懷人白晝眠  
寒食漸分新改火  
春衣猶戀舊裝綿  
陶潛入社何妨醉  
齊己吟詩不廢禪  
朝市悠悠塵土隘  
莫教飛到白鷗邊

山中留別

江天雲物已淒淒  
老去應多少日思  
荒稗滿田秋水後  
平蕪連苑夕陽遲  
眼昏每到看書覺  
髮白非因攬鏡知

力疾杖藜猶可起山中遠趁故人期

寄素菴

相逢白首樂新知獨對青春動遠思風雨空城花落後  
池塘芳草燕來時生前只有銜杯好老去空成攬鏡悲  
悵望孤帆斜日影滄江猶負白鷗期

寄江陰夏翁

殘山剩水舊吳宮幾度相期杖屨同夜雨新晴桃葉渡  
春寒已過杏花風人生暮景方多暇春事濃時一半空

解后逢人應問信酒船何日過湖東

二月二日寄友

頻年芳節兩怱怱往事閒思半夢中江郭春寒連夕雨  
海棠花信幾番風萋萋遠浦迷芳草歷歷青天沒斷鴻  
悵望思君無限意扁舟一醉故人同

春思

積雨柴門草色新一經白首又青春也知性癖難趨俗  
却喜身閒不屬人冷食鄰家將禁火軟泥門巷不生塵

高懷誰肯同蕭散放棹煙江采白蘋

王履

石關

裂石為關似洞門天慳神秀此相分不曾臨澗先眠石  
未暇登峯且看雲鳥嘒只從中界斷松聲專許上方聞  
誰人更似周徵士不怕鍾山孔氏文

東峯頂見黃河潼關

雙松陰底故臨邊要見東維萬里天山下有人停步武



望中疑我是神仙地通荒楚延秋色河借斜陽透野煙  
敢問鬱華離垢後有誰張口下層巔

陶宗儀

曉起

豆苗引蔓上疎籬桐樹吹花落釣磯老我田園閒處好  
故人書疏近來稀挂巾蘿薜看雲起沐髮滄浪待日晞  
只恠平生詩癖在形骸消瘦不勝衣

樂靜草堂為衛叔靜賦

屋繞芙蓉九疊屏日長客去掩閒庭巖花暖傍疎簾落  
堦草晴分汗簡青溫火試香刪舊譜汲泉煮茗續遺經  
江南定有徵賢詔太史方占處士星

次韻谷楊廉夫先生

移家正在小斜川新買黃牛學種田奏賦不騎沙苑馬  
懷歸常夢浙江船窗浮爽氣青山近書染涼陰綠樹圓  
樂歲未教瓶有粟全資芋栗應賓筵

夜坐

披衣散髮坐南榮漏點遲遲欲二更風約沼萍雲影淡  
月栖徑竹露華明石牀涼意浮珍簟寶鼎沈煙噴玉笙  
世慮不關心似洗此身只覺在蓬瀛

和董良史僉憲西郊草堂雜興

清溪脈脈抱虛堂新竹娟娟過短牆問柳尋花春事晚  
投壺散帙午陰涼時將芳糗充魚餌歲會香秔備鶴糧  
如此閒情真自適可無幽夢入鸛行

華山阻雨

東南風急布帆輕  
長泖西來第一程  
此日忽逢春暮雨  
何人不望客中晴  
煙巒冉冉鬟凝碧  
石溜濺濺玉奏聲  
且向華山谿口泊  
推蓬滌硯寫幽情

喜晴

澹霧冥蒙日晏昇  
攬衣遙見闔閭城  
十分天氣依然好  
一色波光遠近明  
紫燕將雛花上語  
錦鳩呼婦樹頭鳴  
道傍農父交相慶  
菜麥青青喜快晴

張建寧賦詩見寄次韻

移家住近府城東  
簾捲垂楊燕子風  
幽夢時驚碁局外  
好懷日付酒杯中  
喜於靜室觀虛白  
倦向通途踏軟紅  
老我無能甘寂寞  
谿山還欲與君同

次韻荅張林泉二首

倦草淮南大小山  
此身長與白雲閒  
南鄰北舍相歡洽  
西陌東阡自往還  
筆勢縱橫驚雨驟  
文詞竒古發天慳  
幾時共剪西窓燭  
尊酒高談一破顏

百年孤抱歲寒心  
不覺頭顱雪滿簪  
梧柏鼎煙時淪茗

石牀衣露夜橫琴水雲深處成真賞風月良辰動苦吟  
欲訪郊居曾有約桃花浪暖一篙深

題王筠菴水村

垂楊舊種成籬落小徑初開近石矸夜雨漁舟添个个  
晴沙鷗鳥下雙雙夢魂不到鳴珂里卜築何須濯錦江  
沽酒鱸魚從野老高歌招隱壓新腔

次陸北巖韻

畎畝高低絡翠徑樹林密茂列雲屏水村沙路迢迢白

卷八十二  
節屋炊煙處處青  
谷口樵歌西日暝  
巖頭虎嘯晚風腥  
先生歸也山居靜  
童子篝燈月半扃

沈夢麟

訪陳敏道不值

不憚風波兩日程  
孤舟聊繫故人情  
菊花與我為賓主  
醴酒從人結弟兄  
秋穀已銷吳甸雨  
寒潮不上闔閭城  
白頭欲製烏啼曲  
付與漁郎短笛聲

和邵山人過字韻二首

吳松東去羣鴻散  
苔雪西來一舸過  
池上屢陪山簡醉  
座中曾聽薛華歌  
中年鄉國黃塵合  
長夏江村綠樹多  
擬與賀公同結伴  
黃冠野服晚婆娑

亂後還家如旅泊  
愁中貰酒喜人過  
每吟栗里停雲句  
不作南山種豆歌  
故宅東風歸燕靜  
孤村夜雨落花多  
白頭却憶觀光日  
曾賦神明與馭娑

九日過姚廷暉隱居

病起扶衰上釣槎  
乘流直到故人家  
一秋止酒尊無綠



九日開園菊未花  
海氣生潮通白霧  
天風如水洒烏紗  
歸來落葉多如雨  
欲寄新詩日已斜

中秋夜泊黃河

黃流滾滾浪翻盆  
百尺颿檣上下奔  
月色偏於今夜白  
河源不改舊時渾  
雷行西北通天極  
風送蛟龍入海門  
欲酹一觴歌九叙  
千秋萬歲禹功存

劉仔肩

荆南江晚眺有感

沙頭寂寂晚維舟  
詞客重來感舊遊  
江上夕陽諸葛廟  
雨中芳草仲宣樓  
天連錦水來春色  
雲暗襄陵起暮愁  
回首可憐梁父意  
一官牢落向南州

易恒

題錢思復曲江草堂

浣花寂寂鍾山遠  
今見風流在曲江  
八十儀型今有幾  
三千詞賦總無雙  
屋頭秋老凌霜樹  
竹下春閒聽雨窗  
好向兩村尋舊隱  
月輪峰下礪飛龍

鹿城隱居

避俗龐公隱鹿門  
鹿城靜亦絕塵喧  
釣緣水北菰蒲渚  
窗俯江南桑柘村  
書蟲字殘繡汗簡  
石魚銘古刻窪尊  
地偏舟楫稀來往  
獨有煙潮到岸痕

遣興

生也無涯信有涯  
幽情謾自惜芳華  
每憐修潔聽詩鶴  
難遣低斜篆壁蝸  
境熟不疑身是妄  
慮澄始覺夢成賒  
晚晴看徧江頭水  
流盡西林一片霞

中秋對月二首

一覽清暉萬里過百年秋興此時多  
鮫童袂薄遺珠淚  
織女機寒溼鳳梭鶴語不知人  
是否烏啼數問夜如何  
江湖莫動魚龍寂應有淒涼及釣蓑

冰壺出水淨無波不著漂漂一葦過  
鼓角聲沈知夜寂  
梧桐葉盡覺秋多年侵容鬢煩霜雪  
涼到衣裳惜芙蓉  
只恐桂花零落盡空留清影自婆娑

曉過黃山書所見

海門日出破江昏潮入中流砥柱分白石不消千古雪  
亂鷗忽起半沙雲香杭紅粟來吳餉犀甲戈船到水軍  
最是黃山風水濶莫教吹笛惱龍君

睡起

睡起喚茶猶未醒強將物色與詩裁楊花易遣為萍去  
春夢難憑化蝶來草信無名生自得鷺知有性立還猜  
出門一笑忘情景濯足清江坐碧苔

遊上方小酌僧舍

上方氣壓湖山勝老我登臨思惘然一鳥影沈秋水外  
千峰勢斷夕陽前清尊白髮酬今日畫舫珠簾記昔年  
獨倚危闌重弔古荒臺樵唱起蒼煙

述懷

鴈信無憑蜨夢訛寥寥空望遠人過家如明月圓時少  
腸似游絲斷處多垂白不禁青鏡在落紅其奈綠陰何  
百年歲月今如許誰遣流光逐逝波

風雨憶襄西

故園十畝瞰林塘  
花竹陰陰覆小堂  
好友肯來唯一二  
老夫不出是尋常  
白魚寒鱸槎頭雪  
朱橘秋嘗屋角霜  
雨雨風風歸未得  
空勞飛夢繞滄浪

李勝原

涇縣

古木荒碑對縣門  
數家煙火自黃昏  
河流故繞山邊市  
驛路斜通郭外村  
煙雨園林梅結子  
春風籬落竹生孫  
愁看市井蕭條甚  
喪亂曾經幾戍屯

田子貞

題安分軒圖

一室蕭然萬慮忘，幽棲真似斛斯莊。  
春晴野澗多藜藿，秋晚山田足稻粱。  
待富却慙居易拙，送窮應笑退之狂。  
看君已在羲皇上，老去從教白髮長。

李道生

雨後

山中曉起喜新晴，杖屨尋詩獨自行。  
幾樹好花春盡發，



滿溪流水夜來生遊絲拂地應千尺啼鳥喚人時一聲  
趁暖田家曝蠶種明朝節候是清明

梁蘭

寄呈東原公劉子彥

北闕前年一上書歸來高卧楚郊墟西風短褐雙蓬鬢  
落日空山一草廬道直不殊梁太傅賦成端擬漢相如  
別來又是春三月盡日逢人問起居

客舍秋雨呈東鄰隱君

燈前細雨夜初闌枕上聞雞夢轉難壯節豈因今日改  
旅懷方向故人寬江天雨色連窗白草樹風聲入室寒  
景物已殊歸計遠殘年飽飯共相看

陳緝

送周煥文從唐伯剛之吳興

碧瀾堂下即吳興十里芙蓉繞石城山簡歸時應倒載  
條侯醉後尚談兵蘋洲雨過秋聞鴈橘里春深晚候耕  
事省好將樵唱曲水晶宮裏坐吹笙

禁煙日簡長如仲如二昆弟

湖頭誰復載吳娃  
鷗鳥多情戀白沙  
涪萬春深無杜宇  
武陵何處有桃花  
雨餘石燕晴歸穴  
市近山蜂午報衙  
看到前朝丞相墓  
野人翻土樹桑麻

高伯恂

寄施以端

桃花點點山中雨  
楊柳青青水面絲  
春色惱人牽別恨  
錦箋乘興寫相思  
小窗鸚鵡呼春夢  
芳樹提壺促醉期

惆悵百年今已半  
花前時復玉尊隨

寄梁紹輝

花時醉裏忽忽別  
回首西風錦樹秋  
明月相思隔江浦  
素書不見到林丘  
松陰塵榻晴還拂  
池畔清尊晚更留  
山水閒情宜共賞  
碧雲涼鴈思悠悠

梁紹輝

登小孤山亭子

飛亭結構半山隅  
雲影天光入畫圖  
清漲九江吞漢沔

高標孤柱限荆吳風來舟楫歎危疾雲暗魚龍變化殊  
獨倚畫闌吟不盡白雲飛處寸心孤

顧協

送張翰臣幕掾還廣西

曾持刀筆贊元戎不數區區野戰功青髭消磨千嶂外  
舊交零落十年中雪晴官路梅花白雨熟蠻鄉荔子紅  
三十六原何處是馬蹄輕踏綠楊風

次曹以忠

草堂門對浣花溪  
林影蕭疎鶴共棲  
對酒有時歌白雪  
讀書長夜照青藜  
烏啼窗戶驚幽夢  
風裂芭蕉失舊題  
幾度相思徒悵望  
斷鐘殘月曉峯西

潘子安

九日王時融招飲

喜見長瓶破曉封  
忽移春暈上衰容  
故人已覺尊前少  
佳節偏於客裏逢  
千里暮愁連蟋蟀  
無邊秋色醉芙蓉  
而翁此際登高處  
應在三山第一峯

沈應

寄邵德昂

高隱青門不識塵  
碧桃花下白綸巾  
詩傳畫意王摩詰  
船載書聲米舍人  
半板水扉兼竹淨  
一間草閣與山鄰  
閒情不及鷗先往  
幾度相思入夢頻

送樂仲禮之秦郵

江店西風酒味香  
怱怱何事促行裝  
百年一半長為客  
兩鬢無多易著霜  
遠水平蕪秋艇去  
斷雲歸鳥暮天長

如今楚地皆吳語不必逢人歎異鄉

將歸山中留別李二公勉

二月風光尚袂衣暖雲籠日午行遲杏園却近桃花塢  
寒食相兼上巳時芳草家家迷蛺蝶棠梨樹樹囀黃鸝  
幾回欲共行春樂南浦歸舟已有期

史謹

宿洞庭廟

山勢如龍入洞庭仙人樓閣倚青冥鐘聲縹緲連三界



雲氣蒼茫護六丁  
胡蝶夢回山月曉  
鯉魚風起浪花腥  
無因得受還丹術  
自把長鑱採茯苓

危進

謝許鍊師惠圖書

茅山許史舊諸孫  
還向仙臺卧白雲  
竹外畫沙迷鶴跡  
花間引水泛鵝羣  
蒼崖翠刻金書字  
丹井銀牀玉篆文  
科斗早收東觀上  
幾人相倚播清芬

題饒孟持所藏趙希遠畫渚宮圖

罨畫闌圍響屧廊流蘇帳幔鬱金堂玉龍剩注千鍾酒  
金鴨濃熏百和香廊宇鳴秋霜葉赤軒窗破曉露華黃  
舊時行樂今看畫煙月蘆汀鴈幾行

送人之七閩憲副

七閩風景異江鄉嶺徼緣雲去路長綠漲溪蠻榕葉暗  
紅蒸海日荔支香花間彈舌調鸚鵡月下吹簫引鳳皇  
行樂未終淹壯志輶車行處起秋霜

徐良言

來鶴詩贈周玄初

九天執法大玄卿稽首焚香禮玉京  
借得魏君騏驎到恰如簫史鳳鸞鳴  
翩翩繞樹香煙近歷歷橫江夜氣清  
欲向羣中留一隻相將過海到蓬瀛

方孝孺

登歸雲寺閣

棲身丹壑總忘歸水閣頻登趣不稀  
雨脚斜斜侵耕叟笠苔花青匝定僧衣  
山餘積雪寒猶壯岸隨流星曉更飛

卜築何當居此地玉堂金馬任相違

練子寧

賦得孟義科斗送監生楊仲文歸台州親迎

孤石巉巖出紫煙雲根遺墨尚依然文章豈在龜疇下  
形質還存鳥跡前汲冢秋風思汗簡魯堂春雨閱韋編  
郎君歸去和鳴後織作機中錦字傳

送周望往四川

駟馬橋邊秋水波郎君此去意如何衡陽鴈陣驚寒早

巫峽猿啼入夜多一水東來通漢沔衆山西上接岷峩  
少陵祠宇清溪曲為瀉瓊漿試一過

解嘲

秋來逸興浩如雲閒拂霜華看劒紋莫恠風流謝安石  
未應憔悴沈休文驂騑神駿寧論肉鷗鷗身輕更出羣  
千載征南不穿札至今猶作晉元勳

已丑五月訪子白於秦淮橋

五月南風水倒流秦淮橋下問扁舟穿花燕子羽毛溼

隔水人家門巷幽，心憶庭闈瞻楚樹。身陪冠冕侍瀛洲，  
吾兄歸去如相問，衣綵終期慰白頭。

寄曾得之

高鳥知還久，倦飛分甘萬里邁。王畿虎頭肉食侯，何用  
雞舌含香事已違。博望尋源經月去，長卿諭蜀暫時歸。  
寄言玉筍雲中客，終擬相從採薜薇。

謁安慶余忠宣祠

將軍忠節貫荆襄，千載精神日月光。血戰孤城身已殞，

名垂青史汗猶香殘碑墮淚空秋草折戟沈沙自夕陽  
我亦有懷追國士為來感慨奠椒漿

黃觀

送趙彥圯都事

石頭城下自分攜無復連牀聽曉雞故里音書寒鴈杳  
空江雲樹暮天低春來白下孤新約夢去花間憶舊題  
猶念雪深留宿夜酒醒詩就小樓西

程本立

乳石詩

象賢奉常得異石於演樂堂典寶周翁識之云道  
州乳石也奉常欣然以詩見遺因賦詩荅奉常并  
呈長史且欲質諸典寶翁也

聞道山中乳窟多乳泉流出石為窠洞門到處飛蝙蝠  
驛路何年載橐駝野色忽看新培塿水痕猶認舊漩渦  
豈無青髓香如飯老我黃塵奈爾何

過五河縣



龍窩驛近鼓聲催轉舵傾帆沙岸隈共指深淵最空洞  
豈無神物待雲雷風清楊柳如看畫水綠蒲萄始潑醅  
浩蕩好懷春色裏詩成南鴈忽飛迴

高郵夜泊

城頭月色見觚稜城下官河夜欲冰返照疎林皆野燒  
殘星別浦是船燈腐儒食祿曾無補倦客思家已不勝  
春雨五湖煙水濶荷蓑歸去下魚罾

和貝惟學登小孤山韻

西來風浪湧金山人在鴻濛沆瀣間大地小孤天柱石  
長江第一海門關鮫人夜泣珠成淚龍女晴梳翠作鬟  
欲問靈巫報神語我行何日定東遷

過趙州

青山環抱水爭流行盡雲州入趙州四野耕耘多樂歲  
諸蕃斥候不防秋過橋花竹前村近入谷松蘿小寺幽  
妻子誰能免相憶他鄉雖好莫淹留

嵩盟九日次井泉百戶韻

天涯九日一登樓應是黃花笑白頭脫帽不妨同醉倒  
拂衣安得不歸休山盤晴谷深藏寺水縮寒溪淺露洲  
上馬荒原向昏黑休教鼓角起邊愁

送魚課司使霍思誠赴京師

三年官守滯蠻荒萬里羈魂度太行居有馬羈留客座  
食無魚鮓寄親嘗晴天梅樹常含霧臘月山花不受霜  
辭滿得歸人共樂將詩送別意茫茫

送人致仕歸越

老臣殊荷聖恩寬詔許還家授散官賜杖未攜鳩玉小  
誥綾新織朶雲團西窗夜雨銷紅蠟東閣晴山倚畫闌  
子去我留寧不媿鑑湖他日請黃冠

滇陽二月罌粟花盛開皆千葉紅者紫者白者  
微紅者半紅者傅粉而紅者白膚而絳脣者丹  
衣而素純者殷如染茜者一種具數色絕類麗  
春譜之所云

鄴聞東風不作寒米囊花似夢中看珊瑚舊是王孫珎

瑪瑙猶疑內府盤  
嘶過驂騑金匱匣  
飛來蛺蝶玉闌干  
瘴煙窟裏身  
今老春事傷心思萬端

晚至安寧

連然驛路馬曾諳  
落日行人思不堪  
地極九州銅柱北  
山蟠六詔鐵橋南  
湯池水底皆陰火  
鹽井煙中半夕嵐  
回首蓬萊天  
萬里忍教塵髣髴

自姚安出普湖

層關飛鞚出寒雲  
萬木歸雅亂夕曛  
山自蜻蛉川口合

路從鸚鵡嶺西分道傍築室新成市塞上屯田久駐軍  
遠客誰無鄉土念悲笳吹動不堪聞

鶴慶驛會吳人馮廣文閩人林稅使

馬蹄蹴徧陰崖雪直向居庸塞外行日落忽聞牛背笛  
川平始見鶴州城秋風千里萼絲消暑雨三山荔子生  
遷客相逢話鄉土天涯無限未歸情

早發祿豐驛

驛樓燈火見西屯使者出門人語喧天寒馬渡此溪水

月落雞鳴何處村六詔山川皆郡縣百年身世任乾坤  
若為看見梅花發忽亂鄉愁入故園

君山別業畫卷為王伯昂題

畫圖林壑起雲煙使者高懷寄靜便背郭真成浣花屋  
看山如坐洞庭船柴門黃葉鄰僧掃石徑蒼苔野鹿眠  
如此故巢勞遠憶只應頭白是歸年

張統

贈周玄初尊師

仙翁長鍊九華丹時有龍來問大還曾捧靈符歸海上  
故將霖雨洒人間紫簫吹月鸞雙舞白氎披雲鶴共閒  
蘭圃未滋春向暮早須一喫破天慳

茅大方

送陳用中司訓先生還漢中

柳妥花殷食又寒渭城歌斷思漫漫萬山入漢秦關險  
孤棧連雲蜀道難驢背尋詩春正好峨眉如畫雨初乾  
勝遊歸後添佳趣為寫新圖寄我看



塞門至銀州關道中

銀州西下忽都河戍卒東來唱舊歌  
星散諸營連圻堠雲屯萬里蔽沙陀  
自嗟出塞春光少誰道臨關月色多  
顧我鶴形非燕頤立功萬里定如何

五月廿六日行營白海濤暑如內地悠然起林泉之思

石田茅屋灤西莊修竹高梧六月涼  
翠簟風漪清入夢碧桐秋露冷生香  
飯牛不識堯年樂扣角猶歌子夜長

今日馳驅歸未得却從塞外憶江鄉

寄淮安守將梅都尉

幽燕消息近如何控扼長淮節鎮多縱使火龍蟠地軸  
莫教鐵騎過天河關中餽運蕭丞相海上樓船路伏波  
老我不才無補報西風一度一悲歌

樓璉

送鏡中照上人兼柬斗南和尚

舊住扶桑第幾山偶然蹤跡落人間蘿衣拂露辭秋壑

藤杖扶霜度曉關  
滇海飛來孤月小  
點蒼留得半雲閒  
殷勤為報圓通客  
鶴背清風好共還

雲南即事

五雲南國在天涯  
六詔山川景物華  
摩歲中山標積雪  
納夷流水帶金沙  
翠蛙鳴入雲中樹  
白雉飛穿洞口花  
獨有江南征戍客  
尋常清夢苦思家

高遜志

贈章安甫老人

籃輿迢遞出郊坰野服翩然鶴髮星柱史不辭周問禮  
伏生須為漢傳經汀洲水落蒹葭老澤國霜寒橘柚青  
自笑隱淪緣底事時危蹤跡一浮萍

唐之漳

和荅孟熙見貽

晚天涼雨碧雲收竹几藤床只卧遊出海鼓笳天上曲  
夾城風雨驛邊樓常時中酒翻疑夢此日懷人況是秋  
忽得鎬郎寄來什賸將詩思滿汀洲

龔詡

過顧玉山舊宅

阿瑛舊宅綽山前  
父老猶能記昔年  
樓閣儼如真洞府  
主賓渾似小神仙  
花時不絕笙歌宴  
門外常維書畫船  
肯信只今無片瓦  
平蕪漠漠鎖寒煙

魏澤

過侯城里有感

筍輿衝雨過侯城  
撫景淒然感慨生  
黃鳥向人空百轉

青猿墮淚只三聲  
山中自可全高節  
天下難居是盛名  
却憶令威千載後  
重來華表不勝情

解縉

送劉繡衣按交趾

虬髯白晢繡衣郎  
驄馬南巡古越裳  
城郭新開秦郡縣  
山河元是漢金湯  
天連銅柱蠻煙黑  
地接朱崖海氣黃  
莫說炎荒冰雪少  
須令六月見飛霜

隨駕登紫金山賜果

天晴隨駕共登山中使傳宣薦玉盤金谷人遊紅步障  
石房仙鍊紫華丹猩紅泣露珊瑚軟鶴頂迎風瑪瑙寒  
侍從詞臣知此味渴中無惜齒牙酸

贈茅山道士

雨餘重過冶城來巖下松扉只半開繞屋蒼陰多翠竹  
滿庭春色獨紅梅道情盡在琴三疊交誼何妨酒一杯  
明日尋君仍帶鶴休嫌屐齒破蒼苔

奉天門外御橋東南蓮花盛開陪鄒侍講往觀

玉泉舊繞禁城流  
菡萏開時滿御溝  
翠蓋拂波常帶雨  
紅衣照水未逢秋  
風翻涼影鴛鴦浴  
露溼寒香翡翠愁  
此處已看花似錦  
何須遠汎鏡湖遊

送中書舍人唐存恕省親

與君同出周姬姓  
同住西江路未遙  
萬里東歸纔識面  
扁舟南去又乘潮  
賜榮足慰庭闈念  
承乏深慙禁籞朝  
心折斷雲無一寸  
不堪分袂鎮河橋

重會鄉人康子寧於橫州



去歲元宵奉禁闌午門錫宴敞彤扉教場火炷天星合  
光祿杯行雨點飛舞罷更催新度曲醉回未省溼朝衣  
定知此夜扁舟客閒聽村田社鼓歸

廬山

每依南斗弄潺湲太白雲巢似可攀浮水一星天上下  
步虛五老鏡中間自從三代稱全楚看到中原無此山  
莫道彭湖希勝事龍舟曾奏凱歌還

楊士奇

從遊西苑

廣寒宮殿屬天家  
曉從宸遊駐翠華  
瓊液總頒仙掌露  
金支皆插御筵花  
棹穿萍藻波間雪  
旗飈芙蓉水上霞  
身世直超人境外  
玉盤親捧棗如瓜

楊榮

圍獵

關塞霜清曉色明  
鑾輿校獵出邊城  
六龍扶輦旌旗合  
萬騎連營鼓角鳴  
遠火依微秋色薄  
驚沙寂歷暮雲平

小臣躬覩三驅樂  
顧效嵩呼播頌聲

瑤島春雲

仙島依微近紫清  
春光澹蕩暖雲生  
乍經樹杪和煙溼  
輕覆花枝過雨晴  
每日氤氲浮玉殿  
常時縹緲護金莖  
從龍處處施甘澤  
四海謳歌樂治平

薊門煙樹

薊門春雨散浮埃  
煙樹溟濛霽欲開  
十里清陰連紫陌  
半空翠影接金臺  
東風葉暗留鶯語  
落日林深看鳥回

記得清明攜酒處  
碧桃花底坐徘徊

胡廣

春日扈從幸北京

曉隨仙仗出時巡  
聖主恩深四海春  
萬馬踏雲開輦路  
六龍扶日度天津  
陽和布澤初回暖  
別苑飛花不動塵  
豈是揚雄能獻賦  
空慙載筆列詞臣

送江仲隆

十年清宦住京畿  
白髮蕭蕭老布衣  
鄉里交游前輩在

關河離別故人稀  
官橋細柳藏新雨  
水驛輕帆背夕暉  
我有愁懷何處遣  
秋來日望鴈南飛

金幼孜

元夕賜午門觀燈

鳳輦初臨鼓吹喧  
千官環侍紫宸筵  
九門燈火雲霄上  
午夜山河錦繡前  
春散爐煙浮樹暖  
月移寶仗映花妍  
從臣忝預傳柑宴  
既醉猶歌湛露篇

三月十日隨駕獵海子上奉簡胡學士楊庶子

暖日融融靜鼓鼙條風拂拂動旌旗柳間飲馬春泉細  
院裏聞鶯晝漏遲近苑獵回猶賜饌行宮朝罷更題詩  
晚來獨向都城望雲擁蓬萊五色垂

扈從狩陽山次韻荅胡學士

時有甘露降

鑾輿曉出五城東從狩儒臣載筆同日下蒼龍隨玉仗  
道前寶馬載琇弓苑松承露枝皆白島樹經霜葉盡紅  
向晚笳聲催疊鼓軍門校獵氣偏雄

扈從再狩武岡次學士胡公韻

曉瞻行殿侍岩堯步入高峯路更遙  
鐵騎蹴雲開御道蒼鷹掠野上層霄  
旌麾高下隨山轉煙火依微隔樹燒  
忝後詞臣慙謏薄幾回扈蹕逐行鑣

薊門煙樹

野色蒼蒼接薊門淡煙疎樹碧氤氲  
過橋酒幔依稀見附郭人家遠近分  
翠雨落花行處有綠陰啼鳥坐來聞  
玉京盡日多佳氣縹緲還看映五雲

雲山草堂為楊庶子賦

聞道幽居近翠微，好山多與白雲齊。  
柳塘日暖花爭發，門巷春深鳥自啼。  
酒醒每臨松下坐，詩成閒向竹間題。  
一從射策金門去，風雨年年夢建溪。

黃淮

秋暮書懷

極目關山幾夕陽，況逢秋暮轉淒涼。  
愁思竹葉浮鸚鵡，寒覓蘆花當鸛鷀。  
報主志存龜左顧，思親心逐鴈南翔。  
折筵擬卜餘生事，欲訴靈氛已斷腸。



陳璉

曉過黃州

黃州竹樓雪未晞獵獵寒風吹客衣  
征帆此時向東去行李何日從南歸  
青山幾點煙際出白鳥一雙江上飛  
欲訪蘇公舊遊處倚蓬回首思依依

七星巖

六丁何年開翠岑穹窿石室高千尋  
煙生丹竈火常在花落碧桃春又深  
倚巖懷古有誰會埽壁題詩還自吟

日華月華去已遠玉笛誰能傳妙音

宿龍泉寺

歸鶴翩翩帶夕曛上方鐘磬隔林聞不眠一夜聽春雨  
起視四山生白雲自是遠公偏好客獨憐支遁最能文  
閒身安得頻來此細草長坡數鹿羣

胡儼

人日從駕幸南郊梁贊善以詩柬寄因和之

紫陌雞鳴遠報晨百官朝罷出楓宸龍旂夾道先傳警

鳳輦行春不動塵  
禮樂幸逢全盛日  
耕桑俱是太平人  
千門萬戶東風暖  
勝裏金花剪綵新

王景

道院

山中舊是神仙宅  
冉冉流光老物華  
千頃白雲都是玉  
一溪紅浪半凝砂  
瑤階已化雙鳬舄  
銀漢空餘泛斗槎  
獨倚壞垣傷往事  
天風吹落石楠花

新春偶成

南來憔悴滇陽客，每向年光感去留。  
萬里歸心背殘臘，五更清夢落神州。  
刺桐花發東風早，垂柳條長宿雨收。  
便欲題詩散伊鬱，瀘江風浪拍天流。

王達

題山水

一曲清琴酒一卮，煙蘿贏得任棲遲。  
千峯黛色嵐消後，十里菱花子結時。  
水氣入樓人不覺，秋聲到樹鶴先知。  
世無謝朓誰同語，對畫空成萬古思。

王璩

瓜洲道中

清江杳杳水連空江北江南綠映紅三月異鄉逢改火  
經春游子怨飄蓬滿汀蘆葉孤舟雨一樹梨花小旆風  
遙望故鄉何處是依稀煙樹五湖東

送翰林王孟暘叅將安南

暫輟含香直曉班新叅將闥出平蠻黃茅綠樹千重嶺  
瘴雨蠻雲幾處關去馬正逢椰子熟歸旌定及荔枝斑

知君素有雄豪筆須勒神功鎮海山

王洪

金臺夕照


山色微茫映古臺平原千里夕陽開誰知碧草遺基在  
曾見黃金國士來樹繞河流天外去烏翻雲影日邊回  
清時自重非熊叟不獨奇謀得俊才

玉泉垂虹

碧嶂丹崖瀉不停翠微雲淨轉分明春風不散空中影

夜月偏聞樹底聲  
內苑分來瑤水合  
御橋流出鳳池平  
仙源信與人間別  
歲歲年年長自清

御選明詩卷七十二



總校官庶吉士臣侍朝

校對官編修臣莫瞻菴

謄錄監生臣周翥華